

第一輯

中國稀見史料



中國稀見史料

第一輯

王春瑜

編

王春瑜

編

廈門大學出版社

图书在版编目(CIP)数据

中国稀见史料, 第1辑·第五册/王春瑜编. —厦门:
厦门大学出版社, 2007. 9
ISBN 978-7-5615-2748-1

I. 中… II. 王… III. ①古籍-汇编-中国②中国史-史料-明清民国时代 IV. Z422

中国版本图书馆 CIP 数据核字(2007)第 119514 号

厦门大学出版社出版发行
(地址:厦门大学 邮编:361005)

<http://www.xmupress.com>

xmup @ public. xm. fj. cn

厦门昕嘉莹印刷有限公司印刷

(地址:厦门市前埔东路 555 号 邮编:361009)

2007 年 9 月第 1 版 2007 年 9 月第 1 次印刷

开本:889×1194 1/32 印张:13.625 插页:2

定价:(全四十一册)30 000.00 元

本书如有印装质量问题请直接寄承印厂调换

明鹿繼善撰

鹿忠節公集

乾隆以後刻本

〔明〕鹿繼善撰《鹿忠節公集》，二十一卷，乾隆以後刻本。

鹿繼善（1575—1636），字百順，定興人。萬曆四十一年（1613）進士，授戶部主事。時遼餉絕，廣東金花銀適至，善繼請於尚書借之，坐降級調外。光宗立，復官。不久，改職方，從大學士孫承宗閱視榆關，拓地復城堡，籌畫甚多。崇禎初，告歸。清兵攻定興，善繼入城守之。城陷，殉國，諡忠節。《明史》有傳。《鹿忠節公集》見於謝國楨《晚明史籍考》。此書對研究晚明邊防、經濟、吏治、人物等，均有重要參考價值。書前有當時名流范景文、茅元儀序文。刻字亦雅俊娛目。該本應該是乾隆以後刊本，因為第六卷第九頁△面，第九卷第八頁B面、十二頁B面、十八頁△面、十九頁△面，都避了乾隆的諱。該版本可與清人《乾坤正氣集》道光二十八年（1848）、同治五年（1866）刻本互參。

鹿忠節公集序

余自癸丑通籍與定興鹿伯順吳門周
景文同試政司馬署中志意叶洽彼此
以名節相砥期爲歲寒交嗣余與景文
先後出理齊閩而伯順爲計部郎以爭
畱金花餉邊左遷去予庚申入吏部引
景文爲同舍而就家以原官起伯順辛

月

酉子休沐里居移書長安薦伯順可入
吏部議既定時高陽相公行邊伯順自
願辭銓相隨軍中五年量移尙璽己巳
轉奉常浸浸大用矣心恢柄人竟移疾
歸海內顒顒方以公出處卜世道隆替
丙子之變竟殉城以死嗚呼伯順生平
大概若此矣其人固無需文以傳而予

又論定其文梓之序之豈其人之必待
文以傳哉則固以爲伯順之文也已愛
其人者卽其人之片語隻字寶若天球
琳琅況伯順之文實足以傳者乎方今
雞壇錯峙輦輓徒工卽使振起作者之
林步武先民之軌以是而稱詞人之雄
止耳於世道人心固未有賴也今伯順

序

二

文具在用意忠厚摘詞懇惻與君父言
仁慈臣子言敬孝兄弟言友恭朋友言
貞信上自軍國朝廟之容下及閨闈帷
房之故言必究情語無畱旨筆光墨瀟
剝露血腥剩楮殘箋剗剔腸腎使讀之
者歡愛鼓舞悲憤流連愾然以思卒然
相感而中正之心油油乎以生繇是而

究伯順立言之意不模古不規今發乎
情止乎義理百世之下聞者猶將興起
焉然此伯順之文亦卽伯順之人也垂
白孺慕四世一庖家無嘻嗃人風靜穆
其植本良厚矣故帑可以無爭也以續
三軍之命而毅然爭銓可以無辭也急
君父之難而灑然辭官可以無去也憤

柄人之懷而飄然去最後殉城全歸計
不返顧使素庇一廛咄嗟遇難或牽於
難割之家累徼夫倖全之金湯又或怵
功令束文法與存與亡計無復之乃死
耳伯順有一於是哉然則伯順固可以
無死也夫可以無然者聖人不以之律
人而賢者以之自見至性所存不可強

抑善學聖人者孰如伯順乎軀命不惜
浩氣常存扶進醇風廉立頑懦伯順果
死也哉因是而覆繹集中忠孝之語伯
順自爲寫生畱照人傳文乎文傳人乎
則是集之有功於天下後世匪淺渺矣
寧屑與綴文之士計工拙耶伯順自題
曰認真真故人與文兩傳矣吳橋范景

序

文書於南樞之四友齋

目

鹿忠節公集序

往余落拓長安酒人中時天下新有大
故士大夫以及五侯七貴競向余問兵
時楊都尉之子允諧亦時相過從一日
詣其家遇一老先生布袍蒼髭如窮措
大舉動朴直如田間父迫視之精光炯
炯非韋布中人也徐訊之知爲伯順後

序

一

月

五

再遇之張太常榻前見其談邊事侃侃
無所避遂與心盟又二年奉命參高陽
公軍事入幕見同舍生則伯順也自此
則天幕地席霜袍雨騎無不與共如此
兩載餘而別伯順堅臥田園余周遭刀
鋸又兩載余以環召至其家未幾受上
殊遇旋觸讒而罷復爲勢人羅鉗舍其

家歲且半伯順入爲尙璽奉常而余以
邊釁倉皇入潯西仍畱家人於其家與
之共避兵火出入生死復半載而余罷
伯順亦乞身歸子舍及余再被銀鐙托
身請室半載而事竟伯順醉勞村舍余
軒軒如故而伯順黯然而不勝矣再別六
年余以勤王罷歸過其家而伯順已以

序

六

殉節死狼藉血肉淺埋闐闐閒余哭不
能起知其家經兵燹不能爲殮乃脫驂
贈之歸而謀所以永伯順者伯順事功
節義昭然耳目自足不朽唯有傳其言
而已先兩年伯順已自刻其言曰認真
草吾師高陽公爲序之乃簡爲二十二
卷吾師吳橋公伯順之執友也慨然爲